



aen gericht, wy hin daz baz beviele, hiren gantzen willen damede zu doen bintz uf die zyt, daz wir sie in vriedelicher gerugde und possessie der vurg. schuren und alles dez hirzu behoeret widersetzten und hiren scaden, kuste und kummer, die sy gelieden hetten, hir vurg. erve zu erkriegen, anelechten und wiederdeden, dez hin oder hiren beyden gelouft sal sien mit iren schlechten Worten, sonder ander eyde oder kontschaf darzu zudoen. Und ich Johan, der aldst son von Prysche vorg., annemen die vorg. scholt und vertzuych mit allem dem verbuntenuss vorgeschrievien, und geloven in guden treuwen in eydstatt vur mich, mine geerven und nakommen alle vorg. sachen und geloeveden zu halten und zu volvuren, aif keinerleye brech der vorg. sachen an mine bruder vorg. were. Und uf daz, daz die vorg. herren aller vorgeschrievender sachen und geloevedin sicher sien, so hain wir Matthis und Johan und aver Johan van Prysche vorg. hin diesen brief besigelt geven mit unsern ingesigeln, und han vortme, urkond der manne dez hirtzdombs vain Luccenburg hernagescreven, daz ist zu wissen herrn Errartz, herr tzu Ventzchen, herrn Giltze, herr zu Ruttche, herr Goyswin vain Wylre, herr zu Meysenburch, herrn Gorien, herr zu Vispach, herrn Giltze, herr tzu Metzich, rittere, Jofroet van Sasenheim, Piret van Wylre und Cleyschen van Girs, knechten, gebedin den edelin birven man herrn Diedrich, herr zu Honcheringen, ritter und richter der edeler lude dez hirtzdombs van Luccenburg vorg., daz er ons zu betzugen aller vorg. sachen und geloevedin ouch diesen brief mit uns besiegeln wille mit seinem ingesiegel. Und wir Diederich, herr zu Honcheringen, ritter und richter vorg., umb bedin wille der vorg. Matthis, Johans und aver Johans van Prysche, so han wir auch unsern ingesigel aen diesen brief gehangen, mit urkond der vorgeschrievender manne dez hirtzdombs van Luccenburg vorg. Und umb merer sicherheit aller vorg. sachen und geloeveden denen vorg. herren zu doen, so haen wir Matthis, Johan und aver Johan von Prysche vorg. gebedin eynen birven man Ludewich van Machern, zu der zyt probst zu Luccemburch, als eyn overst geriecht, daz er, uns und unser gerven und nakommen zu twingen alle vorg. sachen zu halten und zu volvuren, der proystyen siegel van Luccemburch vorg. aen diesen brief henken wille, wand die schure mit alle dem daz hirzu behoort, in der vorg. probstyen gelegen ist. Und ich Lodewich van Machern, probst zu Luccemborch vorg., umb beden wille der vorg. Matthis, Johans und aver Johans van Prysche, so han ich den vorg. probstyen siegel aen diesen brief gehangen. Der geven wart, du man zalt naist Gotz geburte XIII^o und sibentzich jare, dez mittwochens na sente Paulins tag des hl. bisschofs.

1370, Sept. 22.

Wir Matthis und Johan, jungste sune wylmalen Matthis van Prysche, der Gott gnedig sei, doen kont allen die diesen brief sient oder hoerent